



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Evangelistarivm M. Maruli Spalaten. opus vere
euangelicum, sub fidei, spei & charitatis titulis in septem
libros partitum**

Marulić, Marko

Coloniæ, 1532

VD16 M 1298

de ingratitude hæreticoru[m] & Iudæ proditione. ca. 10.

urn:nbn:de:hbz:466:1-35578

coæternum & consubstantialem nolle credere. Felices illi, qui olim ne ingrati essent, ipsum vobis gentibusq; prædicare non timuerunt, qui vt nomen eius denegarent, nec minis, nec tormentis, nec cædibus compelli potuerunt. Veræ quippe beatitudinis in Christo spe firmati tyrannis fortiores erant, occidi poterāt, cogi ne Christum confiterentur non poterant. Felices nunc hi, q; vt qualem possunt pro beneficiis deo grām referant, Christo seruiunt, Christum adorant, de Christo dīe ac nocte cogitant, Christi præcepta totis viribus exequi contendunt, & contemptis terrenæ luxuriæ delicijs, post eum currere nunquam desistunt. Sed ne solos Iudæos accusasse videamur, nostrorum quoq; in Christum infidelitas (vt alia delicta prætermittantur) in medium veniat, non tam quæ modo sit, quam quæ olim fuerit, & veri assertionem victa deserit.

De ingratitude hæreticorum &
Iudæ proditoris. Cap. X.

CVm enim nullum mendacium diu stare possit, quia nihil firmi nihil solidi habet, in quo innitatur, omnis falsa religio paulatim euanescat necesse est. Itaq; iam pridem defecit ille diaboli fraude inductus deorum cultus. Vnus autem deus etiam ab illis inuocatur qui Christum ignorant. Defecerunt & hæreses, licet falsa veris mixta in se haberent, nihilominus quæ vera erant, manent: quæ falsa. vna cum suis autoribus interierunt. Arrius ab euangelio alienatus, impietq; de trinitate sentiens, ventris profluuio extinctus est. Olympus Arrianus dum blasphemias in sanctâ trinitatem ore sacrilego proferret, fulmine ictus cõflatus est. Anastasius Augustus Euticetis erroribus implicatus, verbum dei in carnem mutatum, & in Christo incarnato vnâ tantum esse naturam asserbat: cumque ab hac impietate ne Hormisdæ quidem summi pontificis admonitione sollicitatus recederet, ipse etiam fulmine afflatus periit. Nonne hi omnes tam infelici si

Arrius
Olympus.

Anastasius
Augustus.

ne consumpti testantur, nemini tutum esse euangelicæ
 veritati vlla in parte derogare, & ab ecclesia Christi quic
 quam vel minimum dissentire velle? Sola quidem ad-
 huc Mahumetana hæresis extat, & viribus aucta, sæuit
 in Christianos, vt qui Christi sunt, calamitatum patien-
 tia probentur, donec & illa sua corruat impietate ac dis-
 soluatur. Quemadmodum autem Iudæorum olim fuit
 in deum ingratitude ad idola conuerti, ita nunc nostro
 rum par flagitium erit, de Christo parum pie sentire.

Mahume-
tus

Quod si tam ingrati sint, qui solo errore delinquit, quod
 de te dicam perfide Iuda? quibus verbis tuam accusem
 ingratitude, quæ maior est quam vt fando expri-
 mi queat? Non solum quæ vera rectaque erant, quæ salu-
 taria, quæ sancta, quæ perfecta, a magistro ac domino
 tuo didiceras, verumetiam in consortium ascitus fue-
 ras apostolorum, & tanquam cæteris fidelior apostoli-
 cæ familiæ œconomus factus & loculos habens, vt quæ
 omnibus offerebantur, solus dispensares: at tu (proh ne-
 fas) tantorum beneficiorum prorsus immemor, & pe-
 cuniæ cupiditate superatus, vt triginta argenteos ac-
 ciperes, dominum in mortem tradidisti. Vicisti tuo par-
 ricidio Iudæorum ingratitude; bonum quod acce-
 perant illi, commune cum alijs erat, tu speciali privile-
 gio dotatus, tu in ordinem præcipuorum Christi comi-
 tum vocatus, tu singulari quodam honore prædi-
 tus, in tantam excidisti dementiam, vt eius proditor fie-
 res, cuius fueras discipulus, vt eum crucifigendum ini-
 micis offerres, cuius eras natura famulus, beneficio so-
 cius, dilectione frater, promissione cohæres, non ter-
 renti patrimonii, sed cælestis. Nunquid te cum cœna-
 ret, a mensa repulit, cum sacramentum corporis & san-
 guinis sui discumbentibus porrigeret, præterit? cum
 iisdem pedes lauaret, nunquid non se ad tuos inclina-
 uit? nunquid cum amplecti eum velles, resistit? cum
 osculum offerres, faciem auertit? Omnia quidem ille
 tanquam sibi charissimo indulsit, sed tu omnium oblitus,
 tanquam hosti insidiabaris, tanquam seruum vendebas
 tanquam parricidam in manus perdere volentium dabas.

Iudas.

Porro tam cruenti facinoris, postquam ille crucifixus est, iam & ipse conscius, peccasse te fatebaris, argenteosq; acceperas, p̄iciebas. Pœnitebat te q̄dem cōmissi sacrilegii, sed veniæ spe destitutus, doloreq; supatus laqueo collum tuum confregisti, & pendens disruptis visceribus, effluentibusq; intestinis infelicem animam emisisti. O dirum & crudele mortis genus, nequitia tamen tuæ conueniens, tuaq; impietate dignum, non magis quia iustum vendideris, quam q̄ de misericordis misericordia desperaueris. Vtrumq; sane inter crimina grauissimum ac nescio quod maius, nisi quod alterum remitti poterat, si alterum remissionis impetrandæ aditum non p̄clusisset. Eo igitur tua te perduxit in dominum ingratitude, vt pro grauissimis criminibus grauissimas quoque pœnas dare credaris in inferno, quo curruisti. Nūc tu his quidem supplicijs terres nos, nequid sinisterū de saluatore nostro sentiendo ingrati simus, & tuis flagitijs ostendis contrarias illis actiones ad gratitudinem pertinere. Gratus itaq; erga dominū ac redemptorem suum erit, qui non pecuniam ip̄o, sed ipsum pecunia chariorem habuerit, nihil cum ip̄o simulauerit, nihil in ipsum impie neque cogitauerit, neque fecerit, & nunq̄ de clementia dei diffusus, omnem salutis suæ spem in ip̄o fixamque semper esse curauerit, & tandem mori potius quam deo peccare optauerit. Atque hæc hactenus, nunc autem ad reliquas charitatis partes descendere statuens, arbitror non minimam, sed præcipuam potius esse cum bene viuendi præcepta didiceris, operam dare vt alios doceas. Igitur prius de illius q̄ docere vult officio differemus, deinde videbimus quantum iuuat, si adsit qui doceat, & quantum noceat, si absit.

De officio catholici prædicatoris.

Cap. XI.

2. Para. 17.

Docere in ecclesia episcopi officium est, & illos sacerdotum, qui præsidis autoritate probati sunt. Iosaphat Hierosolymarum rex leuitas misisse dicitur & sacerdotes, vt peragrando vrbes iudææ